

欽定剿平粵匪方略

欽定剿平粵匪方略卷二百八十四 辛酉年

十二月二十六日 己卯 都興阿奏言十一月十九

二十等日疊據探報江南蘇常踞逆糾集皖省  
敗賊約有三四千人在華山等處屯聚希圖竄  
渡又於二十二日接准魁玉馮子材函稱沿江  
大小港一帶現有賊衆築壘意欲偷渡三江營  
覬覦江北等情 臣卽商水師總兵黃彬統率師

船酌撥防勦飭福山鎮總兵鞠耀乾相機進攻  
遊擊郭定猷分船上下策應黃彬等又由瓜防  
派守備劉連升管帶長龍礮划駛往協勦二十  
三日劉連升行抵丹徒有逆匪千餘人撲犯該  
鎮肆行焚掠經該守備會同參將林宜華等排  
齊戰船開礮轟擊逆衆傷斃甚多因卽潰遁該  
守備督船下駛會合總兵鞠耀乾所派外委錢

廷揚等於分帶鈞艇快艇礮船內各挑精銳整  
隊登陸二十六日抵小大港華山鎮各督弁勇  
分路進攻賊壘該逆膽敢迎拒我軍奮力砍殺  
外委劉仁廣勇力向前後隊乘勝壓下羣逆奔  
潰立將賊壘五座踏毀斃賊無數二十七日劉  
連升乘舟上駛次圖山關見大港火光四起當  
率各划拋泊江岸飭外委劉仁廣等帶隊登岸

劉仁廣繞出賊前埋伏乘夜率同外委梅宏勝  
併力擁進街口逆衆猝不及防俱各驚竄各勇  
爭先砍殺斃賊甚多其陸路天六踞逆據探在  
天長四鄉拆毀民房勒捐木料運赴城外起造  
木城以圖抗守又欲搭造浮橋木簾偷渡高寶  
湖抄我場營後路直趨裏下河等情臣卽飭副  
將刁經明等各挑隊伍紮營四座先將木料運

至揚城附近兼覘天邑踞逆動靜以圖進取續  
據探報江皖大股逆匪分道攻撲鎮城勢甚危  
急並准魁玉馮子材飛咨請援臣復飭副都統  
海全督帶所部馬隊並飭參將鄭啟貴等帶勇  
二千名渡江援應旋據海全先後呈報連日協  
剿獲勝並賊勢猖獗各情臣遂商同黃彬轉飭  
總兵陳國泰帶領礮船在通江集一帶堵剿飭

層啟綸等帶隊前赴金家集駐紮以遏援賊該  
鎮仍紮三汊河兼顧揚防又飭王萬清酌撥川  
勇參將馬步雲管帶礮划均由邵伯渡湖分投  
接應飭黃開榜帶領水陸各隊進紮天長北門  
會剿臣親督馬步兵勇三千餘名進紮天長城  
下該逆卡壘甚多守禦甚嚴遙見我軍驟至出  
壘迎拒先經副都統杜嘎爾督帶馬隊抄擊副

將劉成元等督勇將賊壘踏平奪獲賊卡數處  
疊獲勝仗惟該逆城上守護甚嚴我兵製造雲  
梯豫備攻城是夜據探逆首龔長春率股由西  
門潛逃經孫文友沿途截擊殲除殆盡其守城  
悍賊陳士明等負嵎死踞堅不出戰我軍連日  
施放槍礮轟倒垛堞數處斃賊不少並據獲賊  
供稱城內有逆衆六千餘人現又遣賊赴六合

金陵各路乞援等情正在布置進攻間據參將常勝面稟十一日夜半逆首陳士明遣賊目一名劉寶華隨賊二名至該參將營內投誠城內逆匪情願薙髮乞降並造送名冊但求派一大員入城講明該逆出城謁見因有家眷不許一名兵勇進城仍由該逆率衆守護並按月給予口糧經該參將派勇丁緒大發進城見城上堆

積石顛極多攻之不易等語臣查逆首陳士明等果係真心悔悟卽應率衆獻城聽候辦理何以不許官兵進城仍欲自守且請派員進城講和顯係飾詞詭詐希圖緩攻以待援賊該參將常勝不辨真僞率行代陳實屬罔知大體臣當將賊目劉寶華及隨賊二名並進城勇丁緒大發一名正法卽督馬步各隊備帶雲梯渡河越

潑直偪城下副將刁經明等各帶所部分攻南北東三面排列雲梯攀援直上復由城下環施槍礮斃賊無算而城賊礮石紛落我軍仰攻鏖戰兩時之久兵勇受傷過多傍晚收隊正擬次日整隊進攻忽據探報金陵逆匪潛行渡江已抵儀六聲稱攻撲揚城現在鎮城軍情較鬆揚防緊要遂撤隊回防並飭海全統率原撥兵勇

陸續回渡至參將常勝以三品大員帶勇勦匪  
不知激勵勇丁力圖恢復乃竟輕信賊言令勇  
丁私進賊城搖惑軍心實屬謬妄相應請

旨將山東德州營參將常勝卽行革職留營差遣以  
觀後效奏入

上命議政王軍機大臣傳諭都興阿曰天六爲江北  
要隘楚師沿江掃蕩進規金陵必由天六爲進兵

之地該逆在天長拆毀民房勒捐木料運赴城外  
起造木城以爲抗拒之計並欲裕造浮橋木簞偷  
渡高寶湖面抄襲揚營後路直趨裏下河雖經郝  
興阿前往督剿連獲大勝而城內踞匪尙有六千  
餘人現金陵股匪渡江已抵儀六聲稱攻撲揚城  
是其兇狡情形極爲可慮著都興阿嚴飭水陸各  
軍妥爲防剿揚城爲江北咽喉尤當就現有兵力

## 設法防範

上又命議政王軍機大臣傳諭曾國藩曰天六爲江北要隘楚師沿江掃蕩進規金陵必由天六爲進兵之地該逆在天長拆毀民房勒捐木料運赴城外起造木城以爲抗拒之計並欲搭造浮橋木簞偷渡高寶湖抄襲揚營後路直趨裏下河雖經都興阿督勦獲勝而城內踞匪尙有六千餘人現在

金陵股匪渡江已抵儀六聲稱攻撲揚城是其兇  
狡情形極爲可慮都與阿所部水陸兵勇本不甚  
厚而揚城實江北要區曾國藩節制兩江現籌進  
擣金陵巢穴自當通籌兼顧聯絡聲勢惟該大臣  
分兵援浙防剿徽甯及沿江列戍之兵爲數已屬  
不少恐致兵分力薄前經諭令將江南江北等處  
餉需通籌協濟並諭將兩淮鹽務派員整頓諒該

大臣已設法經理若得此鉅款自可裁汰疲弱添募新勇撥給都興阿統帶以固揚防門戶至上海爲餉源所自出昨諭曾國荃統帶老勇八千名赴滬以保餉源且可進規蘇常牽制賊勢現在杭垣已失江浙賊氛徧地江南祇有鎮江一隅爲進兵適中之地該大臣前奏李鴻章水陸各軍著迅速調撥布置起程抵鎮後卽飛速馳奏鮑超如克復

甯國由廣德進剿亦可直達蘇常互相援應該大  
臣身任統帥事非越俎不必稍避嫌怨總期於事  
有濟江浙等處軍務朕惟曾國藩是賴所有一切  
布置情形卽著迅速覆奏

上諭內閣曰參將常勝於攻剿喫緊之時誤聽賊目  
投誠代爲陳請殊屬不知大體副將銜山東德州  
營參將常勝著卽行革職留營差遣以觀後效

二十九日

壬午

慶端奏言

臣

統師出省於十二月

初二日馳抵建甯府城駐紮接據探報僞輔逆  
楊國宗一股約有十餘萬人竄至遂安開化一  
帶圖犯衢州截我江閩援師之路而龍游踞逆  
又因李元度拔隊援杭出城肆擾總兵林文察  
一軍不能不暫留三衢會同總兵李定太接攻  
龍游現已飛咨太常寺卿左宗棠提師抵衢林

文察卽可援杭並催福甯鎮總兵曾玉明總兵  
秦如虎統師分攻處州溫州浙東衢溫以下皆  
爲賊有杭州四面被圍臣通籌全局若非厚集  
勁旅分路進兵則甯紹金嚴台處六郡處處可  
通我軍盡爲牽掣現今曾玉明續募臺勇並委  
道員張銓慶選募江西贛州勇一千名來營聽  
候調遣俟署總兵曾元福等軍到防由溫處分

路進勦僞鮑超與李元度能速解杭州之圍卽  
由杭州轉戰而東左宗棠督師抵衢分路進勦  
使該逆應接不遑辦理方有把握閩省西北各  
路邊防因衢處告警同時喫重現經調募兵勇  
馳赴扼防臣惟有察看情形相機籌辦

慶端又奏言據署衢金嚴道江允康等探稟有  
勇丁楊姓由杭州派往閩省路過衢州詢知杭

城於十一月十五十六日連獲勝仗該逆於十七日退駐餘杭又據探報杭城業已解圍紹興府城收復並據溫處道支方廉稟稱黃巖縣城失守後卽經地方文武督率紳民克復並聞台州郡城旋亦收復如果確實則浙省軍務漸有轉機惟均係探報尙未接准撫臣王有齡等咨會未敢盡信現經臣飛飭李元度迅由壽昌馳

赴杭州如省垣實已解圍卽與各軍乘勢掃蕩  
僞圍尙未解亦卽奮力夾擊至台州黃巖郡縣  
失守後是否克復未據該管文武稟報已飭支  
方廉就近確查

同日瑞嶺奏言臣探聞浙江甯波失守閩省沿  
海各處均應嚴防經臣飛飭福興泉漳福甯臺  
灣各府會督沿海廳縣認真稽察一面勸諭紳

者整頓聯甲協力防守並咨行水師提鎮協營  
留心巡緝以杜該逆勾結艇匪乘虛闖犯至閩  
安爲附省緊要海口商船絡繹聞浙江甯紹等  
府被匪竄陷該處居民紛紛遷徙陸續航海來  
閩難保無奸徒溷跡復飭署閩安協副將吳鴻  
源於海船進口時妥籌防範由巡防局司道遴  
委幹員前赴館頭地方會同該副將兵船一體

盤查另行委員分赴南臺各口岸實力巡察所  
有省會各城門及城上垛口由臣會同福州將  
軍文清添撥滿漢官兵協同原派兵丁晝夜駐  
守並由巡防局雇募壯勇在省城設廠訓練以  
備訓練臣與文清仍督同滿漢文武員弁親赴  
各城周歷巡查不敢稍任懈弛均奏入

上命議政王軍機大臣傳諭慶端瑞濱曰慶端奏馳

抵建甯府城布置情形探聞杭州解圍紹興收復  
並瑞璜奏巡防省城及各海口情形浙江省城於  
十一月二十八日失守該督十二月初七日奏報  
出省情形尙未略知消息反據探稟以杭城解圍  
紹興收復等情謂浙省軍務漸有轉機以統轄兼  
圻之員且駐紮地方去浙境甚近何以形同聳噴  
至於此極且安知勇丁楊姓非卽賊中奸細造作

虛語懈我軍心慶端援浙之師遷延兩月方始馳  
駐建甯以致猾賊作此等伎倆情同玩弄若復以  
待兵待餉觀望不前必又株守建甯任令浙省爲  
賊久踞勢將不可收拾厥咎益重著慶端卽飭道  
員李元度總兵林文察各軍分道馳赴杭州並迅  
催曾元福募勇內渡及顏青雲由海赴援乘逆匪  
布置未定之時迅圖攻復各城方爲妥善並著確

切偵探浙省情形應由何路進兵卽日統兵前進  
並催曾玉明張銓慶募勇到營以利攻剿毋得再  
有貽誤致干重咎至閩省防守及各海口稽查防  
範事宜卽責成瑞璜妥爲布置毋許疏懈並著迅  
催沈葆楨馳赴新任不得再事延緩

同日毓科奏言

臣前奉

諭旨飭派安肅道劉于潯帶水勇三千名知府丁峻

帶彰奇軍一千四百名星速援浙查江浙屑齒  
相依保浙卽以保江自當急籌協助臣與督臣  
曾國藩太常寺卿臣左宗棠籌商救浙之策左  
宗棠毅然以援浙爲己任經臣會商督臣奏明  
將江西廣饒各軍概歸節制嗣奉

諭旨飭令左宗棠赴浙督辦軍務臣飭司道籌餉解  
濟惟是江省餉源除奉部提撥及協濟各營軍

餉外僅存地丁一款入不敷出是以將贛州吉安廣信邊要諸郡酌量存留數軍以資防守其升用知府丁峻所帶彰奇全軍及安肅道劉于潯所帶江軍陸勇一併暫撤僅留水勇一千三百名現聞石逆擾及楚南有假道入江之說浙逆近又回竄衢嚴一帶窺伺江境吉袁廣信各屬邊界復又戒嚴江省雖自顧不遑而浙江全

省垂危自當先其所急臣已遵飭劉于澤督率  
所部水師全軍聽候閩浙督臣慶端調遣總兵  
秦如虎一軍先於八月間由楚來江該鎮因口  
糧不敷江浙道梗單騎由閩赴浙擬將所募之  
勇遣散經臣留駐省垣於九月初旬飭所部守  
備馬雲標等督率勇丁追令該鎮拔營赴浙現  
准該鎮來咨已會合所部前赴慶端軍營其應

解左宗棠援浙餉銀現經籌撥臣惟有竭盡心力設法補救以期挽回大局再查由江赴浙中隔常山陸路八十里水師礮船勢難飛渡又無他途可繞現飭劉于潯迅卽設法前進

毓科又奏言據探浙江壽昌龍游股匪竄踞衢州府城十餘里之烏頭一帶遂安踞逆竄至開化之華埠地方均距江省玉山不遠並據獲賊

供稱該逆意在回竄江西並准左宗棠咨逆首  
楊輔青率夥十餘萬自浙下竄有欲取徽休並  
由婺源出江西景鎮之語楊逆係著名悍賊前  
曾竄踞景鎮兩年於婺源祁門等縣情形最爲  
熟習現已分撥各軍赴婺源一帶迎頭截剿並  
往華埠駐紮防守等語臣查浙省衢嚴股匪意  
圖回竄江省廣信所屬之玉山廣豐興安等縣

均與浙界毗連饒州所屬之景德鎮浮梁樂平等縣又與徽婺接壤亟宜嚴密防堵現已飛飭水師營副將孫昌國派撥兩營礮船馳往浮景一帶與左宗棠撥赴婺源之師互爲聲援並飭廣饒兩屬在防水陸諸軍會同該營及各該府縣一體查探堵禦再據湖南探報石逆現已擾及辰州所屬之瀘溪將有下竄辰常之勢江省

與楚界連之吉袁二屬兵力甚單臣前經奏明  
札飭知州王沐自楚募勇二千名來江現據該  
牧稟報啟行客臣探明賊蹤相機調遣奏入

上命議政王軍機大臣傳諭曾國藩左宗棠李桓曰  
前因浙省軍務緊要疊經諭令左宗棠赴浙援剿  
昨因杭城失守復將左宗棠補授浙江巡撫並諭  
令會合閩省援師力圖收復現據毓科奏左宗棠

僅分撥各軍往徽浙兩處防剿是該撫尙在江境並未親督兵勇入浙此時浙省逆燄方張勢將延及江境與其堵禦於廣饒境內不若乘賊匪未至以前迎頭截擊以固江省藩籬著左宗棠迅卽督率所部兵勇親赴衢郡將開化及附近衢城股匪力行掃蕩並會合閩省援師及李元度進攻龍游之師節節進剿爲收復金嚴之計左宗棠身任封

圻責無旁貸自當力籌進取毋得再事遷延致滋  
貽誤至由浙竄徽之楊逆一股現經左宗棠撥兵  
赴婺源迎剿著卽飭令帶兵各員奮力截擊俟該  
匪擊退後卽飭此路兵勇由徽入浙會合進攻以  
厚兵力並分兵勢會國藩現駐安慶距皖南饒郡  
一帶較近著卽飭令徽防文武與左宗棠所撥兵  
勇合力堵截儻徽防兵力尙單卽由曾國藩迅速

撥兵援應務將此股逆匪擊退毋令闌入江境饒  
郡防務並著曾國藩就近策應李桓現署江西巡  
撫所有廣饒兩郡防務著卽督飭在防水陸諸軍  
並孫昌國派撥礮船一體嚴密堵禦毋稍大意劉  
于濬等援浙各軍如果尙未起程並著李桓酌量  
調派石達開股匪現竄辰州該逆蹤跡飄忽難保  
不折竄江境毓科現募楚勇二千擬防吉袁邊界

著李桓於該勇到江時卽飭知州王沐管帶扼要嚴防毋得以賊蹤尙遠稍形疏懈

三十日癸未官文曾國藩李續宜奏言臣等欽奉

諭旨以侍鄂宋晉奏通籌東南大局請飭川楚江皖五省督撫會剿粵寇令臣等會議查粵匪自咸豐二年竄擾兩湖遂陷安慶金陵日益滋蔓於是皖南北及江西各郡屬蹂躪殆徧上年蘇常

失守今復肆逞浙中用兵十餘年糜餉數千萬  
誠如

聖諭若不迅圖大舉埽穴擒渠籌餉籌兵迄無了局

侍郎宋晉所陳五省合力會剿之議誠爲有識

臣官文與前撫

臣

胡林翼亦曾籌議及此徒以

安徽全省糜爛江西湖南時被賊擾四川土寇  
方興湖北東攻安慶兼顧江西南援湖湘西防

巴蜀亦復時形支絀原擬俟安慶克復楚北肅清從長計議今宋晉所陳蓋主養有用之兵節糜費之餉則兵餉皆歸實用誠如所云五省合而爲一通力合作凡進剿援應及留防之師皆一氣聯絡賊勢日蹙我勢自日舒卽以楚北言之咸豐三四年間每月兵餉不過八九萬至十萬而止五六年後漸增至十餘萬二三十萬蓋

其時援江西攻九江救湖南剿安徽以一省之力辦三四省之事所費尤鉅今則養兵至水陸六七萬月餉至四十餘萬兩年以來積欠兵餉四百數十萬之多假令早爲合力之舉則湖北所費尙不至若是臣曾國藩奉

命以來不遑朝夕徒以兵單餉絀未能大舉東征顧增兵增餉實非一省之力所能爲故必合五省

之戰守兼籌使兵與餉皆寬有餘地然後計出  
萬全查五省之中以四川所入爲最多次則江  
西次則湖北湖南以安徽爲最苦現在四川寇  
盜未平湖南邊警方亟江西竄賊甫退安徽凋  
敝之餘其留省防之兵實須若干其所入之數  
除本省應支外可解濟東征餉數若干皆未能  
深悉應由各督撫臣妥速議定覆奏現在浙江

全省糜爛賊之資力更勝於前今昔情形不同  
恐東征五萬之師亦須增益聞江蘇關稅釐金  
捐輸等款所入尙饒似宜力籌濟助應請

飭下江蘇撫

臣

與上游五省一併合力務成大舉爲

一勞永逸之計尤應破除畛域之見方於事有  
實濟所有東征事宜及合力籌餉各章程統俟  
臣曾國藩及各省議定覆到後再行詳細覆陳

奏八

上命議政王軍機大臣傳諭官文曾國藩駱秉章薛  
煥李桓李續宜嚴樹森毛鴻賓曰官文曾國藩李  
續宜奏遵議侍郎宋晉奏五省會剿粵逆情形據  
稱增兵必先增餉既非一省所能爲力必須五省  
合力籌畫衆志一心方於事有實濟已據官文等  
飛咨各省詳議餉數俟覆到再行詳奏各等語東

南寇勢日張餉需日絀大有不支之勢第分計不足合計有餘該督撫等素能同心協力通籌大局著官文曾國藩駱秉章薛煥李桓李續宜嚴樹森毛鴻賓熟思至計仍通籌餉需兵數併力辦理一面迅速具奏

官文又奏言查楚軍自攻克安慶無爲後派兵駐防地廣兵單不敷策應步兵現已酌量添募

惟馬隊因出師年久傷病過多實形單薄查吉林邊界尙稱靜謐合無籲懇

天恩俯准酌調吉林所屬琿春甯古塔伯都訥等處馬隊兵三百名至吉林打牲烏拉樸實耐苦入山行獵熟習鳥槍從前出師金川甚爲得力該壯丁出師立功後有准入八旗當差之例並懇恩准飭調打牲烏拉壯丁五百名同前項馬隊一併

選派曾經出師明幹之員管帶來楚分濟東征  
兵力實於軍務大局有裨如蒙

俞允卽由臣酌備行裝銀兩委員隨解前往一面咨  
明吉林將軍督率認真挑選以收實效奏入

上命議政王軍機大臣傳諭景綸曰吉林馬隊最利  
馳逐現在官文等籌議東征已抵無爲必須添調  
馬隊以資征剿打牲烏拉壯丁熟習烏槍從前出

師金川甚爲得力著景綸酌量情形挑選琿春甯  
古塔伯都訥等處馬隊三百名並打牲烏拉壯丁  
五百名卽於官文解到行裝銀兩後派委明幹之  
員管帶前赴湖北以資調撥

欽定剿平粵匪方略卷二百八十五 壬戌年

同治元年正月初二日 乙酉 漕運總督袁甲三江

南提督李世忠奏言查賊竄全椒縣境軍情喫

緊 臣 李世忠暫回滁州以衛全椒復因六合縣

機有可乘親往查看先是賊目黃雅冬意欲自

拔來歸因六合賊首馮懋林防守甚嚴無隙可

乘屢遣其戚朱名揚約 臣 李世忠先將城外之

賊擊敗卽可內應舉事適和含敗賊竄踞滁城  
附近之水口地方臣李世忠激勵將弁奮勇進  
攻並函商臣袁甲三抽調知府李元忠副將倪  
文藻分隊趕回助剿十二月二十日臣李世忠  
親督總兵李顯發等帶兵分路直擣賊巢該逆  
列隊迎拒我軍三路並進賊棄械狂奔我軍跟  
蹤追殺至陳家橋地方距六合縣城僅二十餘

里當派副將杜宜魁等連夜紮營李元忠進攻  
三汊河賊營以牽其勢李顯發等往攻六合城  
外賊營二十一日六合城賊出隊來撲李顯發  
等迎頭截擊杜宜魁等帶勇前往助戰賊始敗  
退李元忠旋將三汊河賊營踏毀擒斬甚多二  
十二日逆首馮懋林帶悍賊萬餘出城城外賊  
營亦均出隊臣李世忠督同各將親自臨敵一

而派隊繞攻賊後一面帶領李顯發等殺入賊隊斬馮懋林於陣賊衆紛紛敗潰李顯發等併力追殺直至東門賊營賊尙閉門開礮示以馮懋林首級賊衆駭竄遂將賊營五座一律踏毀總兵李昭宸等亦將西南門賊營五座乘勢占奪進逼城根黃雅冬卽於是晚遣朱名揚潛入我營約定東門放火開城接應臣李世忠乘夜

派隊圍攻四門忽見東門火光燭天城門大開  
杜宜魁李顯發一擁而進黃雅冬與其子黃賢  
罄等倒戈殺賊殲斃甚多餘賊奔逃六合縣城  
遂於二十三日克復殺賊約計三四千名生擒  
三百餘名內有衝天福林欄汶頂天燕汪玉城  
攀天侯魏正幅達天侯趙時詳及僞指揮丞相  
檢點等五十餘名均經正法臣等查六合一城

與金陵對峙牆高池深爲江北第一要區自咸豐八年失守後屢經官軍攻勦未能得手今賴皇上天威將士用命擒斬首逆克復堅城洵足伸

天討而快人心所有最爲出力之儘先副將杜宜魁等先行開列分別奏請獎勵並請將內應殺賊之黃雅冬更名黃朝棟黃寶馨更名黃承恩與內應頭目蕭勝玉等一併獎勵其餘在事出力

文武員弁勇丁可否擇尤酌保出自

聖主鴻慈

袁甲三又奏言六合爲江北第一門戶此次李  
世忠到滁旬日竟成大功並使金陵渠魁聞風  
喪膽實屬著有勞績可否仰懇

皇上逾格恩施

賞穿黃馬褂以示優異再上年克復全椒收撫降衆

臣曾奏明賞給銀三千兩餉鹽五千包今六合降衆二千餘人應請

特旨頒賞銀一萬兩米四千石卽飭江北糧臺就近撥給以示體恤

袁甲三又奏冒臣前據道員蔣凝學稟稱長淮剿賊利用水師該道一軍係由楚北陸路而來現擬修造礮船豫備水陸並進等語查淮河險

要非多備礮船斷難制敵臣營水師向以長龍三板小划爲利器從前克復臨淮水師之力居多李世忠前由下游購來紅單船一隻疊在上游擊賊均能制勝惜爲數無多不敷應用現在六合克復江北軍情稍鬆長江停泊紅單船不下數百號可否請

旨飭下江甯將軍都興阿派撥紅單船十隻由邵伯

湖進三河口駛赴臨淮歸臣調遣實於軍務有

裨

袁甲三又奏言接奉

諭旨飭查賈臻奏報粵逆情形臣查陳玉城爲粵逆

中悍賊前探該逆自楚北敗竄廬郡收集殘潰

不滿兩萬擾害青龍廠附近地方經該處練總

褚開泰等屢次截剿獲勝稟報有案並無二十

餘萬之多其前至壽境三覺寺一股據投誠之  
吳永璧等稟稱陳逆在廬境與店埠梁園踞賊  
及踞守廬郡之逆目陳得才均有猜嫌且因定  
遠克復恐官軍南北夾剿曾派僞職梁姓往壽  
糾合苗沛霖圖竄河南梁姓不願前往僅有僞  
職馬姓帶領賊股由三覺寺前往疊經團練截  
殺所餘僅二三千人槍礮尤屬無多至定遠迤

南之姜家巷與合肥交界臣前於克復定城後  
派馬隊前往巡哨該處並無賊蹤此外亦無連  
營七十餘座之事現探陳玉城尙在廬境之雙  
墩集一帶焚掠接多隆阿來函亦言陳玉城分  
踞大獨山上派河中派河等處與探報相同是  
陳玉城仍在廬境毫無疑義賈臻所奏係得之  
附苗者之口顯係張大賊勢爲恫喝官兵之計

稍不留意必致墮其術中查潁郡極皖省之西  
臨淮極皖省之東一信往還動經數旬且臨淮  
四面皆賊非與楚師會合斷難輕議進兵多隆  
阿尙紮舒城其前隊總兵石清吉進至合肥之  
七十里鋪臣接其覆信俟鄂省米糧解到卽當  
近徧廬城並以臨淮一帶苗練覲覲日久必圖  
撲犯囑臣嚴密防剿惟尙未接到曾國藩李續

宜彭玉麟覆信皖撫到任及楚師進剿日期殊難懸揣臣惟就現有兵力分布要隘督飭定遠官兵聯絡南路團練杜賊紛竄奏入

上命議政王軍機大臣傳諭袁甲三李世忠都興阿黃彬曰袁甲三等奏滁全兵勇攻克六合請由江北糧臺撥給銀米頒賞降衆並請撥紅單船助剿六合爲江北要地經李世忠密約內應遂克堅城

辦理極爲得手所有降衆二千餘人卽著李世忠  
妥爲安插一俟江北糧臺將銀米解到卽行賞給  
此時江北官軍與滁全兵勇業已聯絡天長江浦  
踞匪勢已窮蹙卽著都興阿等會同李世忠各派  
勁兵將天長江浦兩城迅圖克復其渡江股匪並  
著都興阿等速行掃蕩毋令蔓及儀徵等處現在  
長淮防剿亟須水師江北六合克復軍情稍鬆著

都興阿等派撥紅單船十隻由邵伯湖進三河口  
駛赴臨淮交袁甲三調遣以資得力袁甲三另摺  
奏遵查陳玉城尙在廬州之雙墩集等處並無賊  
衆二十餘萬連營七十餘座賈臻所奏未確等語  
袁甲三於潁州軍務旣未能顧及仍應嚴督定遠  
官兵聯絡南路團練會攻廬州逆匪以期肅清皖  
北臨淮係屬重鎮袁甲三須俟李續宜到任後會

同勦辦不可顧此失彼

上諭內閣曰此次克復六合縣城袁甲三調度有方  
著交部從優議敘李世忠自滁州進兵旬日之間  
擒斬首逆克復堅城厥功甚偉著賞穿黃馬褂以  
示優獎在事尤爲出力之儘先副將杜宜魁著免  
補副將交軍機處記名遇有總兵缺出請旨簡放  
並賞給堅勇巴圖魯名號總兵李顯發著交軍機

處記名遇有提督缺出提奏補用都司陳文勝著  
免補都司以參將儘先補用儘先參將李顯爵著  
免補參將以副將儘先補用補缺後以總兵用黃  
雅冬著改名黃朝棟以遊擊儘先補用並賞戴花  
翎黃賢馨著改名黃承恩與內應頭目蕭勝玉蕭  
印汶薛元誠均著以都司儘先補用並賞戴花翎  
頭目李世恆著以守備儘先補用並賞加都司銜

賞戴花翎薛根書著以守備儘先補用並賞戴花翎其餘出力員弁兵勇著袁甲三擇尤保奏候朕施恩

同日

上諭內閣曰記名提督湖南綏靖鎮總兵鮑超深諳將略屢著戰功上年正月破黃汶金大股於洋塘五月破劉瑄林大股於赤岡嶺七八月閒克城破

敵馳驅二千餘里肅清江西全境厥功甚偉鮑超  
著賞穿黃馬褂以示優獎

初三日丙戌協辦大學士兩江總督曾國藩奏言

查已革總督何桂清經薛煥奏留籌辦招降蘇  
賊數月以來尙無把握自應遵

旨派員押解勿任稽延臣現派候補直隸州知州張  
葆由安慶至九江附輪船馳往上海將何桂清

押解進京奏八

上諭內閣曰曾國藩奏遵旨派員押解革員進京等語已革總督何桂清前經諭令曾國藩派員前往江蘇將該革員解京審訊茲據奏稱已派候補直隸州知州張葆馳赴上海押解進京著曾國藩卽飭令該委員於馳抵上海後卽將何桂清迅速起解赴京不准遲延

初四日丁亥曾國藩奏言疊奉

諭旨飭催左宗棠統師援浙當卽遵催左宗棠迅速起行先是浙江之賊恐我軍進援爲先發制人之計於十一月十四日分兩大股由淳安開化竄出二十二日至徽境之街口二十六日至深渡副將張運桂派隊迎擊大捷一次小挫一次僞輔王楊輔青又率甯郡大股分兩路內犯歙

取徽州休甯各城二十七日桂逆率衆萬餘竄  
休境之屯溪署總兵唐義訓擊走之二十八日  
又竄篁墩張運桂督軍迎勦獲勝楊逆糾股又  
撲徽郡我軍撤回守城自十二月初二日後徽  
州被圍甚急張運桂率勇堅守屢次出擊獲勝  
賊於城外築壘不退臣思徽郡爲江皖門戶關  
繫甚重因調總兵朱品隆兼程回援復函商左

宗棠先由徽發夾擊再進嚴州以援浙省准左  
宗棠咨稱已派老湘營及駐防玉山各營前赴  
華埠直隸州知州劉典帶七營前赴婺源方冀  
各軍擊退徽賊卽乘勢入浙乃據薛煥咨稱浙  
江省城已於十一月二十八日失守又據署皖  
南道姚體備稟浙江潰兵紛紛來徽浙省文武  
大吏殉難甚多水陸兵勇約有六萬除陣亡及

降賊外尙有萬餘人沿途又被逆匪截去多名  
等語臣疊奉援浙之

命赴救莫及大局決裂應請

旨將臣交部嚴加議處現在蘇浙兩省膏腴之地盡  
爲賊有賊數號稱五十萬潰勇亂民裹脅日多  
勢必上竄皖南內犯江西東南大局收拾愈難  
臣謹就愚慮所及爲我

皇上一陳之一浙東之金華嚴州紹興甯波台州  
處州等府先後失守温州被土匪竄陷惟湖郡  
與海甯州兩城尙存然皆孤懸賊中亦無倖全  
之理綜計全浙惟衢州一府可以圖存臣擬令  
各軍堅守衢州與廣信徽州相爲犄角先據形  
勝扼賊上竄之路左宗棠應暫於徽衢信三府  
間擇要駐紮總須先固江西皖南邊防俟徽圍

既解兵餉調齊再籌分路進剿一慶端聞已進  
駐建甯查浙省各郡之賊由分水迨遂內竄則  
徽州婺源當其衝由開化江常內竄則廣信五  
山當其衝若由遂昌龍泉至浦城而竄江西之  
鉛山福建之光澤則浦城當其衝左宗棠以數  
千人分防徽信兩路斷難兼顧閩防擬請

旨飭下慶端速派勁旅嚴守浦城俾賊不得由閩境

而犯江西一浙省將軍巡撫司道各官間多殉  
節所遺各缺應請

旨迅賜簡放現在蘇浙糜爛人皆視爲畏途惟有選  
擇能戰之文員補授兩省實缺庶可集事一浙  
省兵勇向恃甯紹爲餉源該處旣被賊踞無可  
籌畫左宗棠所部及衢州原有各軍月餉亟應  
另籌協款查廣東繁富之區現臻安謐擬懇

恩飭下廣東督撫粵海關按月協撥銀十萬兩或由  
江西轉解左宗棠營或由海道駛運上海由臣  
轉解左宗棠營並請

飭下福建督撫閩海關按月協撥銀三萬兩交左宗  
棠轉發衢州各營臣與撫臣毓科仍於地丁及  
釐金項下源源協濟以資飽騰以上四條均係  
目前急務至如何進取機宜臣當與左宗棠悉

心籌商隨時會奏

曾國藩又奏言查團練之法祇能防小支游匪  
不能剿大股悍賊其練丁口糧若太多則與募  
勇相等不必僅以團名若太少則與兵勇迥殊  
斷難得其死力其團局經費若取之於丁漕釐  
捐四者之中則有礙督撫取財之道若設法於  
丁漕釐捐四者之外則更無絲毫措手之處事

櫓旣無專屬剛柔實覺兩難晏端書之在江北  
不設餉局但勸各邑築圩自保龐鍾璐之在江  
南激勵鄉民俾知同仇敵愾之義辦理極有斟酌  
惟目下逆氛正熾斷非團練所能奏功應俟  
大功將竣之際辦團以善其後庶幾有益無損  
晏端書龐鍾璐清操雅望內任最宜應請

皇上天恩撤去團練差使仍飭回京供職所有江南

江北應行團練之處卽責成地方大吏督率官紳妥爲經理

同日浙江巡撫左宗棠奏言

臣蒙

恩命督辦浙江軍務當茲全浙鼎沸何敢稍事遷延正擬布置進兵接署金衢嚴道江允康等稟報十一月二十八日逆衆攻陷杭城

臣奉

旨援浙坐視列郡淪胥罪何可逭查浙江軍務之壞

由於歷任督撫全不知兵始則竭本省之餉以  
濟金陵皖南各軍圖藉其力以爲藩蔽而於練  
兵選將之事漫不經心自金陵皖南大局敗壞  
後又廣收潰卒糜以重餉冀其復振卒之兵增  
餉絀軍令有所不行局勢遂至決裂現在通盤  
籌畫非就現存兵力嚴爲淘汰束以營制不可  
非申明賞罰予以實餉不可非另行調募豫爲

集賢堂  
換補不可然欠餉已久則有不能汰遣之患餉  
需不繼則有不能調撥之患經費不敷則有不  
能募補之患臣名雖節制提鎮實則營官哨長  
呼應不靈此事之應辦而不能辦者前經奉

旨令江西撫臣籌解臣軍餉銀十萬兩此時江西司  
庫空虛恐難速解至慶端前請

飭催臣軍入浙時已豫將臣軍之餉誘之江西迫經

奉

旨按月籌撥銀十萬兩臣卽與慶端咨商揀派實缺  
司道設立糧臺督臣派江允康辦理其事而江  
允康來稟轉向臣請領米糧軍火明知臣軍欠  
餉已多故意刁難臣軍入浙後餉需無出縱令  
竭力圖維何從措手應請

旨飭下部臣查明各省應協浙江之餉閩省及各省

奉

旨撥解援浙軍餉趕緊徑解廣信府交臣後路糧臺  
以應急需一面由部臣開單知照如各省撥解  
遲延及委員逗留貽誤均由臣隨時咨部查取  
銜名據實奏

左宗棠又奏言再臣自上年襄辦軍務卽召募  
勇丁五千餘訓練兩月率以東行轉戰江皖之

閒尙能得力曾國藩屢次函商募足萬人臣以  
謀餉維艱人才難得未敢徑諾現雖續增至八  
千餘人除留防婺源四營外能戰者不滿七千  
兩浙徧地賊氛臣以孤軍轉戰而前勢難分布  
查廣西臬司蔣益澧任事勇敢本年春閒以臣  
軍太孤願率所部助剿廣西巡撫劉長佑新授  
貴州巡撫江忠義湖北巡撫李續宜署四川布

政使劉蓉皆臣氣類相許之人所部素多勁旅  
江忠義亦曾函商願爲臣募選將士助勦劉長  
佑已擬派副將戴盛寬挑勇五百名前來尙未  
見到湖南撫臣毛鴻賓亦願助臣一營月餉現  
在浙江全局已壞急宜挽救應請

旨飭令廣西撫臣劉長佑速催蔣益澧統帶所部募  
勇數千並飭副將戴盛寬速帶所部一營星速

前來以當一路並請

飭令江忠義李續宜劉蓉各選一兩營前來又貴州提督田興恕所部亦多驍勇之士一併請

旨令其遴選勇丁千名派總兵沈宏富管帶來浙由臣調遣以上請調各營蔣益澧所部應請

飭下兩廣督臣勞崇光籌給行資其由湖南江西經過各營行資應由各該省發給臣現咨商毛鴻

賓毓科派員勸捐軍餉並請

飭下戶部速發實職虛銜等項執照一千張分交湖南江西撫臣飭司轉發以期集事其部照未到以前卽由湖南江西撫臣挪墊開銷歸入援浙捐款造報

左宗棠又奏言浙省局勢僅存衢州府一城該處爲江西福建樞紐又爲浙省水陸通途衢州

鎮總兵李定太所部八千五百人兵力不爲不  
厚然兩次大股賊匪經過李定太僅守一城未  
能截阻衢屬各縣任賊縱橫毫無布置現署衢  
州鎮總兵崇志聞其技藝尙優然未經戰陣尙  
不可恃新授總兵朱品隆隨征皖南勢難赴任  
查有前浙江處州鎮總兵劉培元現在湖南帶  
勇熟諳水陸戰事欲復浙省必於衢州設立水

師以助陸戰劉培元人地相宜請

旨飭下湖南撫

臣

速令劉培元募勇三千來衢卽署

理衢州鎮總兵以資得力其劉培元未到署任  
以前衢州防務仍責成李定太經理儻敢再事  
玩泄

臣

卽據實嚴叅均奏入

上命議政王軍機大臣傳諭曾國藩左宗棠曰曾國  
藩自請嚴議之處前因浙省失陷已將該督交部

議處毋庸更議當茲事勢阨危該大臣受國重任  
惟當與左宗棠同心戮力恢復東南方爲不負委  
任全浙所存雖尙有湖州海甯兩城又孤懸賊中  
獨衢州一府尙可圖存左宗棠一軍惟有先據形  
勝以固江西皖南邊防一俟徽圍得解卽當調齊  
各軍分路進取所調之蔣益澧各軍業經寄諭劉  
長佑等迅籌辦理惟一時恐難速到事機如有可

乘該撫務當卽時進取本日已將蔣益澧簡放浙江布政使曾國荃簡放浙江按察使該員等久歷戎行當可與左宗棠指臂相聯以期有濟蘇浙糜爛省分人皆視爲畏途惟有選擇能戰之文員以補兩省實缺並著曾國藩左宗棠隨時訪查保奏能勝監司道府之員以備簡用閩浙督臣慶端已諭令駐師浦城第恐該督未必得力並著曾國藩

詳查如閩省督撫均屬未能勝任卽行據實奏參  
浙省軍情萬緊餉需自當寬爲籌備本日已諭令  
各該督撫迅籌接濟俾利軍行因思上海雖僻處  
一隅而商賈輻輳餉源甚裕近聞兩月之閒洋稅  
已收至八十萬兩如能協力保全得人而理於餉  
需定屬有裨著曾國藩左宗棠悉心籌畫於將來  
進攻蘇常一路亦必有益現在各省協餉斷難卽

時解濟滬關釐稅兩項自有盈餘卽著該大臣等  
先行提用並著曾國藩查明如有收集前項抵匯  
浙餉一併催提以濟急需各省團練大臣均已陸  
續撤回龐鍾璐晏端書兩員此時恐尙各有經手  
事件著曾國藩仍遵前旨催李鴻章帶領所部前  
赴鎮江將江南北各事宜妥爲接辦一面迅速具  
奏昨據袁甲三奏六合縣城克復則天長自可得

手李鴻章到鎮後可與都興阿聯絡聲勢籌商進  
剿機宜屆時卽可將龐鍾璐等撤回劉培元所部  
已諭毛鴻賓迅飭該員帶領赴衢一俟到防卽行  
馳奏以便降旨未到以前仍責成李定太妥爲經  
理毋任貽誤左宗棠雖經簡放浙撫一切進兵機  
宜仍著與曾國藩通籌大局不可以身任地方爲  
職守所牽稍涉拘泥蘇常爲財賦之區如果兵力

可以規復卽著會商辦理毋失機宜慶端派辦糧  
臺之署金衢嚴道江允康如不得力卽著左宗棠  
將該道撤去糧臺嚴行叅奏並派員接辦以資得  
力

上又命議政王軍機大臣傳諭官文勞崇光耆齡李  
桓嚴樹森毛鴻賓薛煥曰浙江全省糜爛東南財  
賦之區豈能任賊久踞左宗棠一軍待餉孔亟所

關匪細著官文勞崇光耆齡李桓嚴樹森毛鴻賓  
薛煥等各遵前旨迅將浙省協餉仍由薛煥收集  
抵匯餉銀解交曾國藩轉解左宗棠軍營一面由  
各省通浙路徑分途撥解左宗棠軍營無稍延緩  
本日已將蔣益澧簡授浙江布政使並飭該員卽  
率所部赴浙調遣著勞崇光籌給行資口糧俾得  
星速成行其曾國藩所請廣東每月協浙餉銀十

萬兩著該督等迅速籌撥運濟上海餉源寬裕並著薛煥於匯抵餉項外先行設措接濟左宗棠軍餉並按月源源解往毋許推諉

上又命議政王軍機大臣傳諭慶端瑞寶曰浙省賊勢臨張若由遂昌龍泉至浦城而竄江西之鉛山福建之光澤則浦城當其衝前諭慶端瑞駐紮閩浙交界地方並催曾元福等兵勇赴浙原藝與左宗

棠援師會合進剿現在軍情變遷左宗棠擬駐衢  
州再圖進取則曾元福顏青雲等軍自未便孤軍  
深入卽著慶端督帶各軍迅速進紮浦城以杜逆  
賊旁竄該督兼轄浙省此次救援屢因延緩貽誤  
本有應得之罪若再不能力扼浦城斷難再邀恩  
宥左宗棠駐軍衢州務當聲息相通如有調遣之  
處不得稍有掣肘致干重咎再曾國藩奏左宗棠

軍餉請飭閩海關按月協撥銀三萬兩交該撫轉  
發衢州各營等語卽著慶端瑞璜轉咨文清於閩  
海關按月撥銀三萬兩迅速解交左宗棠糧臺以  
濟要需

上又命議政王軍機大臣傳諭田興恕駱秉章毛鴻  
賓李桓劉長佑李續宜江忠義劉蓉曰左宗棠奏  
廣西臬司蔣益澧任事勇敢本有願率所部助左

宗棠討賊之意劉長佑亦擬派副將戴盛寬挑勇  
丁五百名助剿現在左宗棠亟籌恢復浙省若非  
厚集兵力無以利攻剿之資蔣益澧已簡授浙江  
布政使著劉長佑催令統帶所部挑募勇丁數千  
名並飭副將戴盛寬速帶所募一營星速前赴左  
宗棠軍營以當一路至湖南四川貴州軍務方殷  
湖北邊境雖已綏敕尙須籌畫東征均有難以分

撥之勢惟浙江全省糜爛時局攸關亦應先其所  
急著李續宜江忠義劉蓉悉心籌畫各精選一兩  
營派員管帶迅赴左宗棠軍營田興恕所部亦多  
驍勇之士並著遴選勇丁千名派總兵沈宏富管  
帶星速前往浙江均由左宗棠調遣以資戰守其  
由湖南江西經過各營行資著毛鴻賓李桓籌款  
給發蔣益澧所部整裝經費已諭令勞崇光籌給

矣至此項行資卽照左宗棠所請由戶部給發捐  
輸空白執照一千張分交湖南江西巡撫飭司轉  
發辦理其部照未到之前卽由毛鴻賓李桓挪墊  
開銷將來歸入援浙捐輸款內造報以期迅速集  
事另片奏浙省僅存衢州一城李定太所部雖多  
毫無布置請飭劉培元募勇來衢等語衢州地勢  
爲江西福建樞紐又爲浙省水陸通途必應設立

水師以爲陸戰之助劉培元熟諳水陸攻戰機宜  
現在石達開竄入湖南屢受懲創歲事當在指顧  
著毛鴻賓卽飭劉培元募勇三千前赴衢州以資  
得力其劉培元所帶湖南水師卽著毛鴻賓遴選  
委員管帶毋致顧此失彼陳士杰已簡放江蘇按  
察使著毛鴻賓傳知該員迅速募勇四千名馳赴  
安慶軍營聽候會國藩調遣又前任大名鎮總兵

馬德昭向在江南軍營尙稱得力昨據馮子材奏該員已回四川本籍此時需才孔亟未便令其投閒著駱秉章飭令該員迅速來京聽候簡用

同日劉長佑奏言查石逆竄入楚境臣派總兵鄭金華率兵馳往截擊並催劉坤一赴武岡綏甯一帶會同楚省官兵進剿嗣聞該逆擾及長安堡麻龍一帶距靖州會同通道及黔省黎平

府屬均不甚遠江忠義由武岡督軍進剿商留  
鄭金華所部暫紮武岡防賊南竄旋報賊走黔  
陽臣正在飭催會擊准湖南撫臣毛鴻賓咨會  
該逆已由沅州懷化等處直趨浦市窺伺辰州  
臣復飭劉坤一督同鄭金華所部馳赴該州截  
擊並扼回竄寶慶之路現在黔兵大隊駐紮楚  
黔邊界毛鴻賓派出各軍暨江忠義所帶各勇

聞

皆以全力制勝該逆雖極狡猾自不難剋日成  
擒臣惟有嚴飭劉坤一等迅督原派在楚各營  
會同楚黔官兵力圖剿滅奏入報